

## Wárágã Yúdã 'bã sîlé rî

Zîtáná angálépi Yúdã drî rî

<sup>1</sup> Wárágã 'dî angá ma Yúdã átí'bó Yésũ Kúrísitô drî rî drî ãzîla Yákó'bô 'bã ádrîpî rú rî 'i. Ásî î'di 'bá pírî Ádróná Átépî rú rî 'bã umvelé, î'di 'bã lělé lělé ãzîla î'di tãmbalépi Yésũ Kúrísitô agá rî 'banî.

<sup>2</sup> Ásî ìgbě, ásî ndrînjá ãzîla lětáná Ádróná drî 'bã adru ìminí àmbógó ru.

Ìjô ùnzí 'bá Ádróná gálépi úmgbé  
'dî 'bã kí ìlîkîjô rî

<sup>3</sup> Mâ wõrîka mání lělé ambamba 'dî, táni mání adrujô ãyîkô sí wárágã sîjô ìminí patáná àmaní alelé ìmi abe 'dî drî gá, má ùrã ìminí wárágã sîjô ãzîla ìmi ásî imbájó ùkpó ru sí ã'ìtáná pâlé ãlu ujalé ku Ádróná 'bã ándrá fělé 'bá ãlá ã'ìtáná agá 'dî 'badrî rî tãmbajó. <sup>4</sup> ã'dusîku 'bá ándrá kí drî gá ìjô ìjô ídu ìjô sîjô kí drî gá búkũ agá 'dî átô kí ru ìmi agá 'dî. Kí 'bá Ádróná gálépi úmgbé ásî ìgbě Ádróná drî ujalépi sí mî ãcí idéjô ãzîla Úpí ãma ãni Yésũ Kúrísitô gálépi úmgbé 'dî kí.

<sup>5</sup> Ídrî táni ìjô nî agá pírî kí drî gá rá, álě ìmi igalé ìjô Úpí \* 'bã 'bá î'didrî kí anzéjô àngũ Mîsírî gá rî sí rî drî gá wó vúlé-vúlé ru ìlîkî 'bá î'di ìjô ã'ìlépi ku 'dî kí rá. <sup>6</sup> Ázîla mālāyíkã àngũ î'badrî ãzî àmbögô drî tãmbalépi ku a'belépi rá ãzîla lîcô î'badrî kí a'belépi rá 'dî kí Ádróná

---

\* 1:5 BÚKŨ Ádróná drî ídu rî 'bã ãzî kí agá, úsî Yésũ 'i.

umbé kí nōrórō celépi ku jā 'dâ rī sī, mba kí tā āngū ìnì agá, sī Ẹ'dú āmbógó sī ǐjọ líjọ 'dā tējó. <sup>7</sup> Gẹrī ālu 'dī sī Sōdómū, Gómórā āzila táwūnì kí aga gá 'dī kī trū fě kí ru mī ācí, āwū āzì ngájó ìlì ndú-ndú 'dī kí idéjọ. 'Bá 'dī ịsú kí drīrīma ācí ukólépi ku rī sī ícétáná ru 'bá pírí 'banî.

<sup>8</sup> Gẹrī ālu 'dī sī, 'bá 'dī kí urobí la kí ūbī sī āngū ndrejọ drīlẹ gá ǐjọ ūnzí idéjọ kí ọrụ 'bá āngbā rī gá, gā kí ūkpō Ādróná drī úmgbé, kí mālāyíkā dīzā rú Ādróná drī 'bū gá rī kí u'dá u'dā. <sup>9</sup> Wó mālāyíkā āmbógó Mīkāyílí 'bá kí āwā agá Sītānī be ā'di la Mūsā 'bā āvū 'du nī yā rī drī gá tō ī'di ú'dáná trū ku, wó jọ ī'diní, “Úpí 'bā uzá ími drī gá nī!” <sup>10</sup> Wó 'bá 'dī 'bā áni 'dī kí ǐjọ jọ ú'dáná trū ǐjọ ī'bā kí nīlẹ ku rī kí áni cécé ānākpá ǐjọ nīlẹpi ku rī áni āko ālu 'dī kí vúná la kí ǐlīkī nī.

<sup>11</sup> Ūcōgō ī'badrī ā'dusíku 'du kí gẹrī Kāyíní drī ī'di 'bā ádrípí 'dijó rī 'i. Séndě sī fě kí ǐjọ ūnzí ándrá Bālámū 'bā idélé rī idéjọ. Gā kí Ādróná tì úmgbé cécé Kórā áni, āzila ǐlīkī kí ī'di áni rá.

<sup>12</sup> 'Bá 'dī kí ìminí Ọmū Úpí drī lětáná drī na agá ī'ba abe cécé írā kúmū rú 'bá pá ụsílẹpi rī áni, kí ru na mgbemgbe ụrī kóru cécé 'bá kábīlō ucelépi ku kūbū nīlẹpi áyọ rī áni. Kí ụrú 'bū ālúkúkū 'bā ujílẹ uzogô kóru rī áni, kí ife kalépi ku 'ilẹpi rá unzelé ízókí trū ūdrālẹpi rá rī kí áni. <sup>13</sup> Kí cécé ịyí mīrī drī ungalẹpi tūlātūlā rī áni. Kí cécé ǐjọ ī'baní drīnzá ru rī kí sī kōbútọ mīrī drī gá rī áni. Kí lělẹgó acílẹpi gẹrī kóru rī áni, Ādróná mba ī'baní āngū āzì tā āngū ìnìbìrìcìcì rī agá jā 'dā.

<sup>14</sup> Ínōkā ī'di drīlẹ nāmbā ázīrī sī angálẹpi Ádāmū rùlẹ rī 'i, jọ ándrá ǐjọ ọdu rī sī 'bá 'dī kí drī gá rá jọ, “Índre! Úpí la amú mālāyíkā alá ī'didrī álifū-álifū rī abe, <sup>15</sup> 'bá pírí 'bā ǐjọ líjọ āzila amújọ ǐjọ líjọ ǐjọ ūnzí pírí ī'bā kí idélé 'dī kí drī gá āzila ǐjọ ūnzí pírí 'bá Ādróná lělẹpi ku 'dī 'bā kí jolẹ

ũnzí Ādróná ɸuru'ba gá rĩ kí drĩ gá.” <sup>16</sup> 'Dĩ kí 'bá unulépi āzila ɸjọ ndrũlépi 'bá āzĩ kí ɸuru'ba gá 'dĩ kĩ, 'bá 'dĩ kí ací ɸjọ ũnzĩ i'badrĩ kí vú sī, kí ru ɸpĩ āfó sī āzila 'bá āzĩ kí ɸcú ĩnzō sī āko i'bā kí lělé rĩ ɸsũjọ.

*Īmi ásí* 'bā adru ũkpó ru

<sup>17</sup> Wó mâ wõrĩka mání lělé ambamba 'dĩ, ĩmi ũrā drĩ ɸjọ ũpĩgõṅa Úpí Yésũ Kúrísitō drĩ 'bā kí jolé ĩminí ídu rĩ kĩ. <sup>18</sup> Jọ kí ándrá ĩminí, “Ú'dú āsĩjọ rĩ sī, 'bá ú'dáná u'dalépi 'dĩ kí 'bá ɸjọ ũnzĩ i'bā kí lělé 'dĩ kí vú ũbílépi 'dĩ kí.” <sup>19</sup> 'Bá 'dĩ kí 'bá ĩmi awalépi rĩ kĩ, 'bá ɸjọ i'badrĩ ũnókú drĩ kí ũrālépi Úrínadí Ādróná drĩ sī adrujọ kí agá yu 'dĩ kí.

<sup>20</sup> Wó mâ wõrĩka mání lělé ambamba 'dĩ, ĩsĩ ĩmi ā'ɸtáná alá rĩ drĩ gá āzila ĩmi ā'ɸ Ādróná 'i ũkpō Úrínadí Álá drĩ agá. <sup>21</sup> Īmba ĩmi tā lětáná Ādróná drĩ agá, ĩminí ásí ɸgbě Úpí āma āni Yésũ Kúrísitō drĩ rĩ sī ĩmi ajíjọ ídri ukólépi ku rĩ agá rĩ tějọ.

<sup>22</sup> Īmi adru ásí ɸgbě sī 'bá ābālépi ābā 'dĩ kĩ sī, <sup>23</sup> ĩmi apá 'bá āzĩ 'dĩ kí ĩminí kí anzéjọ ācí ɸjọ ɸjọ drĩ agálé rá, 'bá āzĩ rĩ 'baní ĩmi i'da ásí ɸgbě ru usalépi ũrĩ ĩminí sī ɸjọ āndí ru ɸuru'ba drĩ kí ngũjọ rĩ trũ.

*Ādróná ɸcújọ*

<sup>24</sup> Dĩzā 'bā adru pírí Ādróná ní i'di 'bá icólépi ĩmi tāmبالépi ĩminí sī a'déjọ ɸjọ ũnzĩ agá ku rĩ 'i, āzila i'di mu ĩmi i'dalé dĩzā i'didrí alá 'dā agá āyikō āmbógó la trũ ɸjọ ũnzĩ kóru rá. <sup>25</sup> Ādróná ālu āma Palépi Yésũ Kúrísitō Úpí āmadrĩ rĩ rũ sī rĩ ní dĩzā, āmbögō, ũkpō āzila drĩceṅá abe 'bā adru kí i'di nĩ, i'dójọ ílí ándrá i'dóná gá 'dā kí agálé pírí, āndrũ āzila kpere jā 'dā āsĩṅá kóru! Āmĩnā.

## Ijõ Ú'dí rĩ

The Holy Bible in the Aringa language of Uganda

Copyright © 2018 Wycliffe Bible Translators, Inc.

Language: (Aringa)

Contributor: SIL International (in Africa)

All rights reserved.

2020-11-11

---

PDF generated using Haiola and XeLaTeX on 11 Feb 2021 from source files dated 10 Feb 2021

695104cf-f1e1-5cdd-8e7e-1df2480da505